

NEL ODUBER KIER PA ARUBA SIGUI BAO CURATELA DI HULANDA

ORANJESTAD(AAN): Basa ariba tur e comen-
tationan haci door di lider di
MEP den oposicion y ex
Promer Minister di Aruba,
mester yega na conclusion
cu e kier pa Hulanda keda
dicta ariba loke mester so-
cede na Aruba y keda bao
curatela di Hulanda.

Cu fervor Nel y su fiel
siguidornan den desaster ta
sigui bisa cu mester ehecuta
e protocol, lubidando cu
despues cu Nel a bin for di
Hulanda aña pasa, su mes un
partido a bisa cu NO ta
ehecuta e protocol! E ta un
berguensa pero mester
corda Nel y MEP ariba al-
gun echo:

* nos tur na Aruba a lucha
pa haya Status Aparte. No
pa "sali for di dominio di
Antiyas pa bai bao di
dominio "Hulandes. Ta
unda nos dignidad y deseo
di ta bas den propio cas a
keda? Mas ainda. No ta
MEP mes a boga tanto pa
independencia? Ta con ta
splica awor cu mester keda
bao "curatela di Hulanda?"

* na ehecucion di Status
Aparte no a mara ningun
condicion otro cu inde-
pendencia na 1996. Y e in-
dependencia ey tur hende na
Aruba e tempo ey y despues
a bisa cu ta bai kite na
caminda. (Cu excepcion di
algun integrante di MEP). E
tempo ey no tabata tin e
condicion di curatela di Hu-
landa; no tabata tin e condi-
cion di protocol.

* durante gabinete Eman, cu
a hereda un Aruba bancarota
y un economia na rudia cu
hasta lidernan di MEP
tabata bisa cu nos mester
siña biba cu e realidad cu
nos mester bai pisca, drecha
sapato y planta mata y cu na
Aruba no lo tin lugar pa
tanto hende mas. Hasta a
conseha Arubianonan pa bai
biba na Hulanda.

Nan mes no a wak salida y
mehoracion pa Aruba. Go-
bierno bao guia di Henny
Eman, no solamente a sabi
di lanta Aruba bek ariba pia,
percura pa entradanan mas
grandi den historia di Aruba
y un cresemento cu ainda ta
sigui, pero haciendo esey a
haya elogio di tur institucion
internacional (incluso IMF
y Banco Mundial) y go-
bierno Hulandes cu Reina
Beatrix na cabez. E tempo

ey Hulanda tabata usa
Aruba como ehempel di
BON GOBERNACION !!!
Y no tabata tin motibo pa
pone gobierno bao curatela.
E tempo ey no tabata tin
protocol ariba nos cabez!

* ta ora Nel y MEP a dicidi
di haci nan mes un futuro
briya y lubida Pueblo por
completo, cos a dañá. No so-
lamente e desaster econo-
mico y finaciêro, pero
tambe e desaster di droga cu
Aruba su nomber y di e min-
ister encarga tabata lastra
tur caminda na suela den
mundo. No pasobra Aruba a
hasi malo, pero pasobra e
gobierno a disidi di hasi
malo cu Aruba. NO ta un di
e Ministeman di Gabinete
Oduber a bisa mundo cu
banconan di Aruba ta laba
placa di droga y cu e tin
prueba? No ta e sindicalista
(net no ariba lista di MEP) a
declara di sa mas tocante di
e jeep blanco na waf y ora
nan a seré bao di su propio
minister, e no tabata tin nada
di bisa? No ta Nel y MEP a
persigui hende drechi, falta

tur clase di respet pa nos sys-
tema hudicial, crea un si-
tuacion di "tuma Bo chens"
cu a haci cu tin fraude tur
caminda den gobierno? No
ta Nel y MEP a parti, bende,
haci negoshi cu permiso y
tabata super tolerante cu
stranheronan cu awe tin
tanto stranhero (y ilegal) na
Aruba cu unda Bo bira ta
spaña y hulandes Bo ta
tende. No ta Nel y su
aliadonan a crea un situaci-
on di cu si Bo ta compinchi
of Bo tin placa pa parti Bo
por haya tereno y tur Arubi-
ano cu corectamente a
aplica pa haya un pida ter-
eno pa traha cas mester a
warda pa añanan y tende go-
biernonan di Nel bisa cu
falta mididor di tereno? No
ta Nel y su gobierno cu a
saca hende for di sector
priva y hinca nan na boshi
den gobierno. Mas di 1800
hende den apenas cinco aña.
Anto tur pa Pueblo paga di e
salario y pensioen cu Nel y
su Gobierno te awe ta nenga
di aumenta.

Ta e cosnan aki cu a hiba

nos pais na rand di abismo
ta loke a pone cu nos sys-
tema democratico tabata na
peligro. Cu "behoorlijk bes-
tuur" no tabata existi mas na
Aruba y a base di Statuut
Hulanda mester a actua pa
salba Aruba ainda pasobra
di e gritonan di tur skina di
Aruba, Nel y MEP no kier a
tende nada! Ta e ora ey Hu-
landa a bin cu e protocol y
pa pone precion ariba go-
bierno di MEP a wanta e ley
pa elimina e independencia
di Aruba, cu ya tabata
acordá.

Ta djies tabata falta pa
traté den parlamento. Kier
men no tabata tin niun otro
motibo pa e protocol y e cu-
ratela di Hulanda, cu e de-
saster di Nel y su MEP! Ta
Nel y MEP y ningun otro
persona, organisacion y
sigur no Pueblo di Aruba ta
culpabel pa e protocol.

Y pa scapa cara Nel y
MEP, cu e hypocresia di

semper ta bin existi cumpli-
mento cu e protocol.

Cu otro palabra ta existi pa

keda bao curatela di Hu-
landa!

Cu su rason Henny Eman
na un forma cla a bisa e Hu-
landesnan cu ta otro go-
bierno di hende drechi tin na
Aruba awor.

Of manera Watty Vos a
bisa: "...no ta hende kens ta
sinta den e gobierno aki."
Awor cu Nel y MEP kier
mancha e gobierno aki cu e
lodo cu nan tin na nan nom-
ber ta sigur. Pero loke a keda
cla pa un y tur, y e prueba-
nan ta na caminda, ta cu e
gobierno di Aruba lo ta
atrope un ehempel di bon
gubernacion! Y e gobierno
di AVP/OLA no lo ta un bon
gobierno pasobra Hulanda a
bisa of pa cumpli cu exigen-

cia di Hulanda. Aruba ta bas
den propio cas y a bira bas
den propio cas pasobra nos
kier hasi bon pa nos propio
Pueblo.

Y ta esei ta e unico criterio
pa gobierno di Aruba. Esei
automaticamente ta nifica:
BON GOBERNACION!

"MALDAD" A SPANTA DIABLO!!!

